

# Ag insint, ag teangaireacht, ag cumhachtú Straitéis GCE 2009–2013





# Straitéis GCE 2009–2013

Imlíonn an Straitéis GCE seo ár bpleananna don chúig bliana atá romhainn. Tá sí curtha le chéile bunaithe ar riachtanais fhaisnéise an lae inniu agus na todhchaí le béim iomlán ar úsáid i bhfad níos leithne den fhaisnéis chomhshaoil atá á bailiú. Tá ár gcuid gníomhaíochtaí á n-athchóiriú chun éifeachta againn, slite nua oibre á gcruthú againn, agus modhanna nua chun dearcadh ar an gcomhshaoil á dtabhairt isteach sa réimse príomhshrutha de dhéanamh beartais eacnamaíoch agus sóisialta.





# Ár bhfís

Le bheith aitheanta mar chomhlacht tosaigh an domhain um an soláthar de shonraí, faisnéis, eolas agus measúnuithe comhshaoil faoin Eoraip i slí atá tráthúil, ábhartha agus inrochtana.





# Slite nua chun faisnéis chomhshaoil a léirmhíniú

Is leas poiblí atá i roinnt mhaith den nádúr, ar le gach duine é, ach nach dtugann gach duine aire dó. Chun cabhrú linn luach a bhaint as tairbhí an nádúir, beidh orainn slite a fháil chun an praghas ceart a íoc as a chosaint agus a chaomhnú.

San GCE, beidh coibhéis staitisticí oifigiúla do sheirbhísí éiceolaíochta agus sócmhainní comhshaoil á tógáil againn; le leagadh síos taobh le sócmhainní traidisiúnta ár ngeilleagair.

Ar an slí déanfaimid an bonn modheolaíochta le haghaidh comhaontú idirnáisiúnta ar chuntasóireacht chomhshaoil a dhearbhu, agus measúnú ar éiceachórais agus seirbhísí Eorpacha a chur le chéile — Eureka 2012. Sa todhchaí beimid in ann a léiriú conas is féidir le cuideachtaí agus rialtais seirbhísí éiceachórais a dhaingniú chun an geilleagar domhanda a athstruchtúró.







# Slite nua chun faisnéis chomhshaoil a úsáid

Tá faisnéis suas chun dáta ar a gcomhshaoil de dhíth ar dhaoine. Mar shampla, tá an líon daoine a bhfuil tionchar ag nochtadh do leibhéal arda ózóin agus ábhar cáithnínach ag fás de réir mar a fhásann limistéir uirbeacha. Is féidir rochtain a fháil ar shonraí ózóin beagnach fíor-ama trí ghréasán Ózóin an GCE, agus tá sé á thaispeáint do dhochtúirí agus ospidéal chun córas foláirimh a sholáthar do dhaoine leochaileacha.

San GCE, soláthróimid sonraí caighdeán-aeir ar líne, ag úsáid stáisiúin monatóireachta talún agus breathnuithe domhanda ón gclár GMES, ionas gur féidir le comhpháirtithe sa réimse sláinte níos mó a thuiscint mar gheall ar na galair riosparáide leitheadacha a bhaineann leis an gcomhshaoil.






# Slite nua chun fadhbanna comhshaoil nua a aithint

Tá sé thar a bheith tábhachtach réamh-mheas a dhéanamh ar na cineálacha faisnéise a bheidh riachtanach do lucht déanta beartas, tionscal agus saoránaigh d'fhonn cinntí a dhéanamh sa todhchaí. Trínár bhfoilseachán nua-fhormáidithe Signals, díreoidimid aird ar léitheoirí ar na saincheistean sin a cheaptar go mbeidh tábhacht ar leith acu ar an gclár oibre don bhliain atá le teacht.

Samplaí tipiciúla de réimsí inar oibrigh an GCE roimh aon éileamh poiblí ba ea breoslaí talmhaíochta, fóirdheontais fuinnimh, luacháil seirbhísí éiceachórais agus radaíocht leictrea-maignéadach.

Tá ár gcuid oibre bunaithe ar an bprionsabal réamhchúramach, luacháil ualach na fianaise, déanamh cinntí faoi leibhéal éagsúla neamh-chinnteachta agus úsáid samhlacha agus cnámhscéalta tacaíochta-cinntí.

Sna cúig bliana atá le teacht, cruthóimid calcalas simplí chun cabhrú linn réamh-mheas a dhéanamh ar na tionchair chomhshaoil féideartha ag eascairt as fórsaí sóisialta agus eacnamaíochta an lae inniu agus na todhchaí.





# Slite nua oibre

De réir mar a éiríonn níos mó daoine cinnte faoi thábhacht an chomhshaoil ina saolta, tá méadú tar éis teacht ar an éileamh ar fhaisnéis áitiúil iontaofa. Eispéireas uathúil agus dearfach ba ea faisnéis a sholáthar trí líonraí an GCE. Le teicneolaíochtaí agus bogearraí suas chun dáta á n-úsáid againn, bhíomar in ann leas a bhaint as dul chun cinn eolaíoch a i monatóireacht agus breathnadóireacht.

Sa lá atá inniu ann, tugtar faoi deara go bhfuil a lán le hinsint ag breathnadóirí saoránacha, iad siúd atá ina gcónaí in áiteanna iargúlta ach go háirithe, nó atá cóngarach don chomhshaol trína saolta nó slite beatha. Ag obair i réigiúin ar nós an Artaigh, is iad na daoine dúchasacha a thugann athruithe faoi deara níos tapúla ná aon chlár dea-dheartha samplála. Éireoidh sé an-tábhachtach na foinsí fianaise seo a chíoradh laistigh de dhomhan foirmiúil an mheasúnaithe agus na hanailíse.

Tá an GCE tar éis a bheith ag leathnú agus ag forbairt a cuid líonraí agus foinsí ar mhaithe le breathnadóireacht agus bailiú faisnéise trí réadlann comhshaoil na saoránach domhanda. Sna cúig bliana atá le teacht, beimid ag leathnú líon na bhfeidhmiúchán, tríd an gComhchóras um Fhaisnéis Comhshaoil chun réimse leathan seirbhísí um monatóireacht comhshaoil domhanda agus áitiúil a sholáthar.






# Ár sprioc

Is é an sprioc atá againn san GCE ná rochtain a sholáthar do lucht déanta cinní agus saoránaigh Eorpacha ar fhaisnéis agus eolas tráthúil agus ábhartha ar mhaithe le bunús socair a thabhairt do bheartais chomhshaoil, chun cabhrú le freagraí a thabhairt ar a gceisteanna maidir leis an gcomhshaol ina saol laethúil agus chun cinntiú go dtugtar dearcadh agus oideachas ar an gcomhshaol isteach i bpríomhshrutha na cinnteoireachta.

Tá sé mar aidhm againn é seo a bhaint amach i gcaitheamh na cúig bliana eile atá le teacht trí:

- leanúint ag tacú le cur i bhfeidhm de reachtaíocht chomhshaoil na hEorpa trí anailísiú agus measúnú a dhéanamh ar chomhshaol na hEorpa;
- rochtain leantach a chinntiú ar ardchaighdeán sonraí, faisnéise agus seirbhísí comhshaoil;
- measúnuithe agus réamh-staidéir chomhshaoil comhtháite a chur le chéile don Eoraip ar bhonn méadaitheach sa chomhthéacs domhanda;
- tabhairt faoi thosaíochtaí comhshaoil criticiúla de réir mar a thagann siad suas ar an gclár oibre beartais;
- feabhsú na cumarsáide agus an scaipthe do lucht déanta cinní agus do shaoránaigh trí fhaisnéis ilmheáin, soláimhsithe, iltheangach.



# Cuspóirí straitéiseacha

Tá ár straitéis nua bunaithe ar trí príomh-ghníomhaíocht:

- leanúint ar aghaidh ag tacú leis na riachtanais faisnéise atá leagtha síos i reachtaíocht chomhshaoil AE agus idirnáisiúnta, go háirithe ina 6ú Clár Gníomhaíochta Comhshaoil;
- measúnuithe níos tráthúla a sholáthar ar conas agus cén fáth atá an comhshaoil ag athrú agus cibé acu an raibh beartais chomhshaoil, lena n-áirítear

an 6ú Clár Gníomhaíochta Comhshaoil, Straitéis Forbartha Inbhuanaithe an AE agus na cinn sin i réimsí gaolmhara éifeachtach nó nach raibh;

- feabhas a chur ar chomhordú agus scaipeadh sonraí agus eolais chomhshaoil ar fud na hEorpa.


Seo iad na cuspóirí straitéiseacha atá againn, táthar chun:

- glacadh le príomh-ról i bhforbairt agus i gcur i bhfeidhm na mbeartas comhshaoil Eorpacha agus réimsí gaolta, go háirithe Clár Gníomhaíochta Comhshaoil an Choimisiúin Eorpaigh;
- monatóireacht a dhéanamh ar éifeachtacht beartas comhshaoil an AE agus balltíortha GCE agus i dtíortha iarrthacha agus tíortha iarrthacha féideartha;





- tacaíocht a thabhairt don mhonatóireacht ar Straitéis Forbartha Inbhuanaithe an AE (trí chúnamh a thabhairt do na Táscairí Forbartha Inbhuanaithe) ag díriú ar shaincheisteanna dírithe ar chroílár an chomhshaoil;
- tabhairt faoi mheasúnuithe agus anailísí comhtháite comhshaoil den 6ú Clár Gníomhaíochta Comhshaoil agus Straitéis Forbartha Inbhuanaithe an AE, téamaí comhshaoil, staidéir sa todhchaí agus rabhaidh luath nasctha le hathruithe i struchtúir sochaíocha agus eacnamaíocha;
- rochtain a sholáthar ar fhaisnéis á nuashonrú níos rialta agus nuair is féidir, sonraí beagnach fíor-ama chun feabhas a chur ar thráthúlacht faisnéise comhshaoil tríd an gComhchóras um Fhaisnéis Comhshaoil agus na hIonaid Sonraí Comhshaoil;
- tuairimí agus dearcadh nua a réamh-mheas, go háirithe mar gheall ar sheirbhísí éiceachórais, úsáid acmhainne agus teicneolaíochtaí agus nuálaíochtaí agus athruithe iompair nua;
- seirbhísí gréasán-bhunaithe nua a fhorbairt le haghaidh riachtanas oideachais comhshaoil;
- cabhrú chun é a chinntiú, trí sheirbhísí cumarsáide agus faisnéise éifeachtacha, go dtugtar dearcadh comhshaoil isteach i bpríomhshruth na cinnteoireachta agus i saol laethúil shaoránaigh na hEorpa.







Is í an Ghníomhaireacht Chomhshaoil Eorpach (GCE) an comhlacht san AE atá tiomnaithe d'fhaisnéis iontaofa, neamhspleách a chur ar fáil maidir leis an gcomhshaol. Is muid an príomhfhoinsé faisnéise dóibh siúd a bhfuil baint acu le beartas comhshaoil a fhorbairt, a ghlacadh, a chur i bhfeidhm agus a mheas, chomh maith leis an bpobal i gcoitinne. Tá 32 tír ina mbaill faoi láthair.

An Ghníomhaireacht Chomhshaoil Eorpach



An Ghníomhaireacht Chomhshaoil Eorpach  
Kongens Nytorv 6  
1050 Cóbanhávan K  
An Danmhairg  
Teil.: +45 33 36 71 00  
Facs: +45 33 36 71 99  
Gréasán: [eea.europa.eu](http://eea.europa.eu)  
Fiosrúcháin: [eea.europa.eu/enquiries](http://eea.europa.eu/enquiries)